

殿下斷以公法不報○罷右司諫大夫尹須知司諫院事李
揚獻納韓臯朴希文正言朴冠鄭村職執義尹向上疏曰頃者
朴信等劾問許侗之罪前後輕重不同右司諫尹須等奉旨劾
罪宜極論其當置於法顧乃但請罷職及有按律之命乃以實
聞又不復請其罪殊失奉法之意不可不懲從之○甲子日
暈且背珥夜雨○行太一醮禮穰非時雷動也○命聚無告之
民於濟生院以養之教議政府曰鰥寡孤獨篤疾廢疾失業之
民豈無凍餒以非命而亡者歟予甚閔焉令漢城府及留後司
五部無遺通曉聚而養之○戊辰坤方有赤氣○日本國王使
僧周崇來聘○以李淑為議政府贊成事金承澤工曹判書柳
亮判漢城府事朴錫命知議政府事許應司憲府大司憲黃喜
承政院知申事錫命由知申事超拜知議政府事開國以來所
未有也○己巳日暈且背珥○庚午上詣太上殿獻壽
暮還○壬申日背珥雨○賜賻上護軍崔沮之喪米豆并二
十石紙百卷○禁僧人私與寺社奴婢於弟子及族人司憲府